


T 693/4248(5)

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

NOV 4 1957



郭微

定公名宋襄公庶子昭公弟在位十五年

元年

凡即位必于正月此不書正月即位者公即位後也  
凡改元必踰年未即位而先書元年者昭公卒于去  
年十二月踰年矣定公立之年即定之元年也

春王三月晉人執宋仲楚于京師

世儒以定元年春王三月為之例曰定無正月  
定本至定公卒七年春王三月為之例曰定無正月

春秋直解卷十二

定公名宋襄公庶子昭公弟在位十五年  
元年

凡即位必于正月。此不書正月即位者。公即位後也。  
凡改元必踰年。未即位而先書元年者。昭公卒于去  
年十二月。踰年矣。定立之年。即定之元年也。  
春王三月。晉人執宋仲幾于京師。

世儒以定元年書春王三月。為之例曰。定無正。昭公  
喪未至。定公未立。魯無君。故無正。夫春秋二百四十

哈佛大學哈佛燕京  
圖書館珍藏印

郝敬解



年間不書正書春王三月。屢矣。前此昭公十八年。二十一年。二十八年。襄四年。六年。十二年。成十一年。皆然。非獨定耳。不書正月。無事也。二月。無事。亦不書。三月。晉人執宋仲幾。書以誌晉之無王。非爲魯無君也。城成。周王事也。魏舒以諸侯大夫。泣王事。僭也。仲幾一不受功。而遂執之。以諸侯大夫。執諸侯大夫于王。所不請王命。而遂以歸其陵。暴無禮。亦甚矣。數十年以前。天下惟知有晉君。數十年以後。天下惟知有晉臣。王綱不振。政逮大夫。說者猶曰。伯討也。夫所謂伯討者。仲尼有是名乎。文武有是舊章乎。詩張以文罪。

而詭隨以揚功。故夫公羊者。春秋之楊墨也。

夏六月癸未。公之喪至自乾侯。○戊辰。公卽位。

昭公薨于外。七月矣。意如廢昭公世子衍。及務人而立昭公弟公子宋。遲回至六月。始卽位。季氏之謀也。秋七月癸巳。葬我君昭公。

昭公之葬。季孫不使附于先君窆于墓道之南。及仲尼爲司寇。始溝而合之。

九月大雩。

旱也。九月。夏正之七月。百穀方實。若之何不雩。穀梁之說謬也。

立煬漾宮

煬公魯公伯禽子其廟已毀季氏逐昭公而禱焉昭公不復季氏以為煬靈為之立廟嗟夫煬公豈亦淫昏之鬼與

冬十月隕允霜殺菽

十月夏正八月隕霜異也菽晚成故殺菽

二年○春王正月○夏五月壬辰雉恥門及兩觀去聲災

記曰魯庫門天子臯門也雉門天子應門也禮天子五門自外而內曰臯門曰庫門曰雉門曰應門曰路門雉門有兩觀中闕兩觀高起懸象于上以觀民故

謂之觀天子之制也諸侯三門無兩觀魯制非禮春秋不直斥而因災表義使議禮制度者考焉所謂竊取之也若夫褒貶命討世儒之妄說耳

秋楚人伐吳

吳人誘而敗之

冬十月新作雉門及兩觀

新作更新改作也

三年○春王正月公如晉至河乃復

公立三年始朝晉晉人卻之

二月公穀作三月辛卯邾子穿卒○夏四月○秋葬邾莊公

冬仲孫何忌及邾子盟于拔公作枝

平也

四年○春王二月癸巳陳侯吳卒

三月公會劉子晉侯宋公蔡侯衛侯陳子鄭伯許男曹

伯莒子邾子頓子胡子滕子薛伯杞伯小邾子齊國夏

于召陵侵楚

楚令尹子常止唐成公索肅霜之馬止蔡昭侯索佩

裘皆三年得乃遣蔡侯銜之納質于晉請伐楚諸侯

既集荀寅徵蔡貨不至辭歸

夏四月庚辰蔡公孫姓生公作歸帥師滅沈以沈子嘉歸殺

之

沈楚屬也晉以沈子不會召陵使蔡人伐而滅之虜

其君歸殺之書甚蔡也蔡欲報楚不克故遷怒于沈

五月公及諸侯盟于臯公作油

定公立四年矣春秋之事不同盟不成為君故因召

陵求盟不列諸侯魯志也

杞伯成公作戊卒于會○六月葬陳惠公○許遷于容城

○秋七月公至自會

劉卷卒

劉卷即劉釜周卿士魯主之卒赴故書

葬杞悼公

楚人圍蔡

報滅沈也

晉士鞅衛孔圉公作帥師伐鮮虞

往年鮮虞人敗晉師晉報之

葬劉文公

魯會也

冬十有一月庚午蔡侯以吳子及楚人戰于柏穀作舉

公作楚師敗績楚囊瓦出奔鄭

蔡昭侯困于楚又不得志于晉遂因伯嚭事吳導之

伐楚敗楚師于柏舉子常以貪賈禍又不用司馬戍

謀敗故書奔禍始圍蔡故主蔡侯詩曰莫予奔蜂自

求辛螫囊瓦之謂也

庚辰吳入郢公穀作入楚

吳師乘勝遂入郢楚子奔隨楚大夫申包胥乞師于

秦以卻吳師

五年○春王三月公作正月辛亥朔日有食之

是年春王人殺子朝于楚說者以納子朝罪楚非也

子朝王猛敬王皆非樹子也而子朝為長敬王在位

久不得不繼子朝非謂子朝必可殺也使子朝有不

赦之辜如陳佗州吁。樂盈其見殺無不書者。不書春秋之義可知。

夏歸粟于蔡。

蔡饑魯餽之。

於越入吳。

吳師入郢。越人乘虛亦入吳。莊生所謂雕陵之鳥。見利而忘身。吳人之謂也。故書入同。

六月丙申季孫意如卒。

子斯嗣。是為桓子。君子曰。果哉。春秋未嘗褒貶人也。仲尼而有筆削之斧。鉞意如死。何惜一字之誅。而亦

書卒。書氏。書日。春秋是非在人心耳。人臣若季氏。貌以榮名。被以華袞。猶不免于世之諄詬。而奚事屑屑者乎。

秋七月壬子。叔孫不敢卒。

不敢。叔孫姑之子。不敢卒。子州仇嗣。是為武叔。

冬。晉士鞅帥師圍鮮虞。

前未得志也。

六年。○春王正月癸亥。鄭游速公作帥師滅許。以許男

斯歸。

許畏鄭。委其社稷。亡命四徙。五十餘年。而鄭猶未厭。



乘楚亂滅其國虜其君何怨毒之深也楚昭王反國乃復其後

二月公侵鄭

王人殺子朝于楚餘黨儋翩以鄭伐周晉使魯侵鄭公至自侵鄭○夏季孫斯仲孫何忌如晉

季孫獻鄭俘也仲孫陽虎所使報夫人幣也報夫人而以卿往家臣而使執政魯事之失經也

秋晉人執宋行人樂祁犁

晉趙范交惡宋樂祁犁使于晉主于趙鞅獻楊盾六十趙飲之酒范鞅譖于晉侯曰未致使而私飲酒不

敬遂執之三年而後遣死于途

冬城中城

三家張陽虎亂公室懼而城中城詩曰宗子維城強宗內叛雖有高墉百雉難乎免矣

季孫斯仲孫忌帥師圍鄆

初齊取鄆若昭公鄆遂貳于齊魯人圍之嗟夫一鄆也季孟臨以兵而不服仲尼一言而齊歸之禮之服人遠矣哉

七年○春王正月○夏四月

是時周儋翩作亂天王處于姑猶經年不書諱也

秋齊侯鄭伯盟于鹹齊人執衛行人北宮結以侵衛齊侯衛侯盟于沙公作沙澤

是時晉微而齊稍振矣鄭人從齊會于衛衛侯亦欲從齊諸大夫不可衛侯私使齊執其行人乃盟君子曰齊晉一轍也齊衰則晉興晉衰則齊興其興也以詐力先諸侯其亡也亦先諸侯齊晉亡春秋畢故孟子曰其事則齊桓晉文仲尼之徒無道桓文之事此知春秋之備者也諸傳獎齊晉大旨已悖餘不足觀矣

大雩○齊國夏帥師伐我西鄙

魯不附也

九月大雩○冬十月

八年○春王正月公侵齊

報西鄙之役也

公至自侵齊○二月公侵齊

前未得志也

三月公至自侵齊○曹伯露卒

夏齊國夏帥師伐我西鄙

報再侵也

公會晉師于瓦衛地

晉救至也

公至自瓦○秋七月戊辰陳侯柳卒

晉士趙公作鞅帥師侵鄭遂侵衛

討卽齊也

葬曹靖公○九月葬陳懷公

季孫斯仲孫何忌帥師侵衛

助晉也

冬衛侯鄭伯盟于曲濮備地

拒晉也

從如祀先公

先公昭公也。生不得享國，死不得終于寢，葬不得合于祖，祭不得祔于廟，皆季氏爲之也。陽虎將討季氏，納昭公主，從祀大廟，家臣叛主，而講于禮事，是以仁義竊國也。周禮在魯，而賊臣脩秩祀，周公之典刑，不掃地乎，直其事，微其人，諱之也。

盜竊寶玉大弓

陽虎謀殺季桓子，詐享于蒲圃，桓子逃之。孟氏虎劫公伐之，孟氏宰公斂處父禦而敗之，虎入公宮，取夏后氏之璜，封氏之繁弱，以行。二物先王之分器也，故書。

九年○春王正月○夏四月戊申鄭伯薨釵去聲公作蠱卒得寶玉大弓

陽虎入謹陽關叛魯人伐之歸寶玉大弓奔齊齊人執而囚之逃奔晉夫一寶玉大弓也失則書得則書雖先王之命器乎未重于土地人民與周公之詒穀也寶玉大弓之不能守而況其重焉者乎書誌慨也

六月葬鄭獻公

秋齊侯衛侯次于五氏晉地

齊景公伐晉夷儀衛靈公助之同次于五氏

秦伯卒○冬葬秦哀公

十年○春王三月及齊平○夏公會齊侯于夾公穀谷作頰谷

公至自夾谷

齊魯之不相能久矣遠附晉而近讐齊非魯之利也齊毆魯使歸晉亦非齊之利也二國親睦則晉不得間而東方以寧故夾谷之會仲尼為輔行其非失計可知說者必欲以諸侯奉晉則仲尼不當與于斯行矣

晉趙鞅帥師圍衛

報五氏之役也

齊人來歸鄆謹龜陰田穀田上有之字

齊人歸三邑以夾谷之會也。仲尼相禮于會而齊人  
悅服。及侵地。此豈口舌之力與。諸傳競為譽而說愈  
卑。非聖人所以感人動物之本。善乎子貢有言。夫子  
得邦家。緩之斯來。動之斯和。又曰。夫子溫良恭儉讓  
以得。夫子之求異乎人之求。諸傳所言皆人之求也。  
叔孫州仇仲孫何忌帥師圍郕。后○秋。叔孫州仇仲孫  
何忌帥師圍郕。費公作  
郕。叔孫氏私邑。家臣侯犯以郕叛。州仇與何忌圍之。  
不克。秋再圍之。侯犯奔齊。君子曰。陽虎侯犯。叔季氏  
之叔季也。未能事君。焉能使臣。再書歎也。

宋樂大心出奔曹

宋行人樂祁犁初年死于晉。晉人止其尸。求成。宋公使樂  
大心往。大心辭以疾。祁子譖于宋公。曰。將為亂。大心  
奔曹。

宋公子地公作池出奔陳

宋公寵向魋。取弟公子地之馬。與之子地。扶叱而奪  
之。公閉門泣地。出奔陳。

冬。齊侯衛侯鄭游速會于安甫。齊地公作鞏

三國成而晉勢衰矣。

叔孫州仇如齊。

侯犯以郈叛于齊齊人以歸魯州仇往拜

宋公之弟辰暨仲佗

駝

石彊

寇平聲

出奔陳

公穀暨下有宋字

公子地之出奔也辰寔使之曰君必止子弟止辰曰是我廷兄也以國人出君誰與處與仲佗石彊奔陳二子皆宋卿

十有一年○春宋公之弟辰及仲佗石彊公子地自陳入于蕭以叛

奔陳猶可返國據邑叛則惡矣

夏四月○秋宋樂大心自曹入于蕭

叛黨也

冬及鄭平叔還

旋

如鄭蒞盟

魯自僖公以來七世事晉晉黨季孫逐昭公識者知晉之將失魯矣及韓范內閔同盟解體齊張于東衛鄭先往故魯有夾谷之會然猶未顯與晉絕也至是魯鄭同盟四國之好成而晉遂失諸侯不復可收矣十有二年○春薛伯定卒○夏葬薛襄公

叔孫州仇帥師墮

灰

郈

三家專魯各殖私邑孟氏有成叔氏有郈季氏有費皆高城深池大都耦國三桓以此拒公室家臣亦以此拒三桓南蒯陽虎侯犯公山弗狃接踵叛而三桓

亦自病矣。時仲尼爲司寇，子路仕季氏，教之毀三都。叔孫乃墮郕，季氏墮費，未幾公伯寮愬子路于季孫。三桓疑竟不墮，成子路遂去仕衛，而郕與費亦終不復歸公矣。夫子歎道之將行有命，將廢有命，以此衛公孟彊帥師伐曹。

季孫斯、仲孫何忌帥師墮費。秘

陽虎旣去，公山不狃、叔孫輒相繼以費叛。季孫仲孫帥師毀其城，從子路之請也。二子遂奔齊。

秋天雩。○冬十月癸亥公會齊公作晉侯盟于黃。

魯始背晉。

十有一月丙寅朔日有食之。○公至自黃。

十有二月公圍成。○公至自圍成。

三桓不信子路用公斂處父計，不肯墮成。定公遂圍

成，圍成則公之失計也。夫以季路忠諒不能勝讒間

之口，定公綿弱而欲鋤強梗之臣乎？克則可不克則

重自辱，書公至自圍成，悲國事弗濟而憂公室之愈

卑矣。夫三家專魯，非徒以三都也。魯公室弱亦非盡

由三都也。三子悔禍墮之可，若其不墮存此無傷。上

下有禮，君臣輯睦，其孰非國之險與？不然雖在同室

無城府乎？子路爲魯計必有正本清源施爲次第而

紛紛毀境內城郭何為諸傳好諛寡識如此

十有三年○春齊侯衛侯次于垂葭  
衛地公作瑕  
穀無衛侯

齊衛同伐晉河內

夏築蛇淵圃

作無益且不時也

大蒐于比皮蒲

衛公孟彊帥師伐曹

前師未得志也

秋晉趙鞅入于晉陽以叛○冬晉荀寅士吉射入于朝

昭  
歌以叛荀寅下公  
有及字

趙鞅殺邯鄲大夫午而圍邯鄲荀寅范吉射善午為  
伐鞅鞅奔晉陽圍之荀躒魏曼多韓不信范夷臯梁  
嬰五人以晉侯伐寅吉射寅吉射亦伐公不勝奔朝  
歌晉陽圍解趙鞅入于絳春秋無所是非同書叛何  
也蓋晉之強食諸侯數世矣昭頃以降政出多門而  
諸侯遂去平丘耀武而齊去召陵辭請而蔡去沙鹹  
之盟鄭去五氏之役衛去夾谷之會魯去而其執政  
大臣益招權市利宋樂祁以楊楯六十被執而死蔡  
侯以荀寅責貨不堪而從吳魯昭公以范鞅受季孫  
之賂死于乾侯邯鄲午以衛貢五百家不入囚而殺



之遂啓門庭之禍故凡晉之叛人與人之叛晉其孽  
 久罅多不待三子交攻而三子發難者耳勢同行同  
 叛同禍晉同故經皆書叛君子曰晉之先諸侯亡也  
 宜哉重耳狙詐立國仲尼以一字按之曰譎天道易  
 簡人道中庸鬼神正直譎非所託基也其子孫襲之  
 貪淫奢侈無復恭儉履謙之度受降納款朝聘貢贄  
 儼然王者而身假仁義之名盜竊威命百有餘年籠  
 罩百世學士大夫謂晉尊中國攘夷狄聲施到今未  
 有知其譎者植本若彼取盈若此若何不重受傷也  
 據春秋所書晉事什九當人情者無一故五霸罪之

魁而晉五霸之魁也春秋畢晉祚終聖人知幾其神  
 乎

晉趙鞅歸于晉

三臣同叛而趙鞅獨歸鞅黨衆而實士吉助寡也語  
 曰百足之蟲三斷不蹶鞅歸而晉日危矣

薛弒其君比

傳不詳其故

十有四年○春衛公叔戍來奔衛公叔戍來奔衛公叔戍來奔趙陽出奔宋

衛公叔戍謀去夫人南子之黨夫人愬于公公逐戍  
 與其黨趙陽

二公作月辛巳楚公子結陳公孫公作佗人帥師滅頓

以頓子牂公作歸

頓子事晉絕陳背楚楚滅之

夏衛北宮結來奔

公叔戍之黨

五月於越敗吳于檇醉公李作醉吳子光卒

闔閭驕于入郢之易而侮越人之最爾也伐越越王

句踐迎擊之闔閭被創死斯亦可為彊梁好勝之戒

矣卒也二國交讐夫差以父死報越而越敗句踐以

失國報吳而吳亡為千古怨毒之表脩睦眈者喜稱

焉經于檇李之事書于會稽之事不錄聖人欲情天

下于平康正直無怨無惡春秋之志也說者謂春秋

大復讐果爾伍員夫差宜深嘉予而何其泯泯邪

公會齊侯衛侯于牽晉地公作堅又作擊○公至自會

晉人圍范中行于朝歌齊魯衛三國共救之以狄師

襲晉不克而還

秋齊侯宋公會于洮洮

謀救范氏也君子曰晉之助人叛多矣人亦助其叛

宜夫

天王使石尚來歸賑辰上

魯不脩貢而王使歸賑仲尼所為踴躍也

衛世子蒯快賁外出奔宋衛公孟彊出奔鄭

衛夫人南子會宋朝于洮靈公弗禁也世子適齊過

宋聞野人謠惡之謀弒南子不克而逃孟彊其黨也

公逐之

宋公之弟辰自蕭來奔○大蒐于比蒲

邾子來會公

求好也

城莒父及霄

魯助范中行而懼晉故設備是年不書冬闕也

十有五年○春王正月邾子來朝

鼯鼠食郊牛牛死改卜牛

鼠食牛死小滅大異也

二月辛丑楚子滅胡以胡子豹歸

初楚有吳難胡子盡俘楚邑之近胡者至是楚子滅

胡執其君以歸

夏五月辛亥郊

郊魯常祭也牲牢具而無菑卜從舉以時則不書今

年正月鼠食郊牛死五月郊未幾公薨詩曰是享是

宜降福既多君子謂是享也不宜

壬申公薨于高寢

非正寢也

鄭罕

公作軒

達帥師伐宋

鄭宋間有隙地六邑相與盟棄之宋子地奔鄭鄭伐

取三邑居焉

齊侯衛侯次于渠

公作蘧

除

謀救宋不果故書次

邾子來奔喪

邾之事魯過于恭矣去年冬月會今年正月朝公喪

邾子來奔惟君喪奔君子恥于足恭也是年冬魯城

漆明年取郭東沂西田又五年入邾詩云有鳥高飛

亦傳于天彼人之心于何其臻俾予靖之居以凶祚

其邾事魯之謂與

秋七月壬申

妣

穀作弋

氏卒

妣氏定公之妾哀公母不書夫人不薨哀公未成君

也

八月庚申朔日有食之○九月滕子來會葬○丁巳葬

我君定公雨不克葬戊午日下昃

穀作稷

乃克葬

哀公幼諸大夫不敏于事也

辛巳葬定妣

冬城漆

漆邾庶其之叛土魯受而城之誌貪也左傳謂不時告雖時告其可乎

春秋直解卷十二終

春秋直解卷十三

郝敬解

哀公名蔣定公子在位二十七年

元年○春王正月公即位

時甫四歲

楚子陳侯隨侯許男圍蔡

報入郢之怨也說者曰書圍蔡仲尼怨楚也夫春秋書圍多矣何獨此為怨導吳者蔡人入郢毀宗廟從陳器撻平王墓者非蔡人吳人也楚不能報吳而肆毒于寡小之蔡何為怨之

麋鼠食郊牛改卜牛○夏四月辛巳郊穀郊牛下有角字

書異且不時

秋齊侯衛侯伐晉

齊魯衛三國共伐晉救范氏也遂取棘蒲不書魯諱也主少在喪權臣背舊好而助叛人非公命故不書

仲孫何忌帥師伐邾

二年○春王二月季孫斯叔孫州仇仲孫何忌帥師伐

邾取鄆邾東田及沂西田

邾之事魯何以不免三桓貪而自用兼其地而非公有盟其君而公不知藐然三尺孤無異寄生仲尼所

以憂之

癸巳叔孫州仇仲孫何忌及邾子盟于句鈞釋

季孫不盟志未厭也明年遂復圍邾胡氏謂以所得

田酬二氏救難之功可謂不悉季孫者

夏四月丙子衛侯元卒○滕子來朝

晉趙鞅帥師納衛世子蒯瞶于戚

初蒯瞶出奔靈公欲立公子郢子郢辭公卒夫人欲立之又辭乃立瞶之子輒瞶因晉趙鞅以兵入于戚

秋八月甲戌晉趙鞅帥師及鄭罕達帥師戰于鐵公作栗

鄭師敗績

齊人輸范中行粟于朝歌。鄭人送之。趙鞅禦之于戚。敗鄭師于鐵。獲粟千車。荀寅自朝歌奔邯鄲。

冬十月葬衛靈公。

十有一月。蔡遷于州來。蔡殺其大夫公子駟。

蔡與楚平而背之。從于吳。子駟不可。吳人襲蔡。蔡懼。殺子駟以說。而遷于吳州來。

三年。春。齊國夏衛石曼姑帥師圍戚。

蒯聵入戚。輒使石曼姑帥師圍之。告于齊。齊以師助之。君子曰。輒非人子矣。齊不為人父乎。其助人之子。以攻人之父也。書先齊惡黨也。公羊謂輒為父命。故

公羊者。春秋之楊墨也。

夏四月甲午地震。

五月辛卯。桓宮僖宮災。

諸侯五廟耳。魯自桓至哀十一公矣。三家私其祖而不敢祧。桓魯人。頌僖而不肯祧。僖魯之廟多于天子矣。故因災誌之。

季孫斯叔孫州仇帥師城啓。公作陽

境內震祖廟災。非時之役。不亦可已乎。

宋樂髡帥師伐曹。

討樂大心之亂也。

秋七月丙子季孫斯卒

季桓子死無嗣其妻南孺子有娠以屬家臣正常曰男則告而立之女則肥也可南氏生男正常抱以告諸大夫于朝曰夫子有遺言康子使人殺男而殺殺男者正常奔衛

蔡人放其大夫公孫獵于吳

子駟之黨子駟非不忠于蔡者吳為政也

冬十月癸卯秦伯卒

孫州仇仲孫何忌帥師圍邾

邾受盟矣而又圍之季孫所以不受盟也盟不書季

孫非季孫志也伐書叔仲非二子得主也春秋之義直而婉

四年○春王二月庚戌盜殺

公穀作弒蔡侯申

蔡昭侯違諸大夫議從于吳吳人放殺諸大夫公孫翩因昭侯之如吳也射殺之事隱故書盜嗟乎一裘開釁身死國遷儒者貴報怨竟何如矣

蔡公孫辰出奔吳

盜黨也

葬秦惠公

宋人執小邾子



其故不可考書執惡宋也

夏蔡殺其大夫公孫姓主公孫霍

盜黨也

晉人執戎蠻曼子赤歸于楚

戎蠻叛楚楚圍之子赤奔晉楚軍于上雒以請晉人執而歸之稱戎蠻夷之也

城西郭

不時也

六月辛丑亳公作社災

社災社屋焚也禮國有殷社戒亡也亡國之社則屋

之

秋八月甲寅滕子結卒○冬十有二月葬蔡昭公○葬

滕頃公

五年○春城毗公作

備晉也

夏齊侯伐宋

討其伐曹也

晉趙鞅帥師伐衛

討助范氏也先是衛與齊助范氏據邶鄆趙鞅圍降之荀寅士吉射奔鮮虞鮮虞人與齊納荀寅于拍人

晉圍柏人二子奔齊

秋九月癸酉齊侯杵公作處白卒

齊景公夫人燕姬無子庶子六人公愛子荼立之以屬國夏高張五子皆出奔

冬叔還旋如齊○閏月葬齊景公

弔且會葬也

六年○春城邾瑕公作瑕

瑕邾邑魯人城之以逼邾

晉趙鞅帥師伐鮮虞

討其納范氏也

### 吳伐陳

初吳入楚召陳懷公辭元年吳侵陳未得志故再伐楚子軍于陳父救之

夏齊國夏及高張來奔

齊陳乞謀廢立搆諸大夫於高國曰是將謀子又謂諸大夫曰高國恃君謀二三子諸大夫信之與陳乞鮑牧以甲入公室逐二子出奔魯

叔還會吳于沮

君子曰魯之事諸侯其猶陽鳥與燠則就之寒則去之

春秋左傳卷之三十一 哀七年 秋七月庚寅楚子軫卒

楚昭王經喪敗之後改紀其政孔子去魯司寇將往焉陳蔡人阻之王與師迎之欲封以書社地七百子西不可昭王遂卒嗟夫天欲平治天下則子西之說不行而昭王不蚤死矣儒者強謂春秋擯楚何居

齊陽生入于齊齊陳乞弒其君荼

公作舍

齊公子陽生荼之庶兄而景公庶子也陳乞立之廢荼為安孺子陽生欲殺孺子使朱毛私于乞乞偽為辭而泣毛遂弒孺子于野幕之下不書朱毛受之陽生也不書陽生受之陳乞也陽生殺弟陳乞弒君從

弒君也嗚乎此一時也衛輒兵父陳乞弒君陽生屠諸母陳氏姜齊三家據魯六卿專晉姦宄蠱賊聚于一時詩云莫赤匪狐莫黑匪烏仲尼當吾衰之年手障狂澗春秋安得不作也

冬仲孫何忌帥師伐邾

貪無厭也

宋向巢帥師伐曹

樂髡未逞志也

七年○春宋皇瑗院帥師侵鄭

為晉侵也

春秋正義 卷十三  
晉魏曼多帥師侵衛

衛從齊也

夏公會吳于郟穀作

吳子謀霸諸侯魯人先往吳徵百牢于魯如數供之  
召季康子子貢辭免

秋公伐邾八月己酉入邾以邾子益來

季康子復欲伐邾諸大夫不可康子伐之入其公室  
晝夜剽掠執邾子歸獻于亳社囚于負瑕嗟夫邾何  
所獲罪肥何所奉討而若此其甚也卒使吳人克東  
陽齊取二邑強臣階禍國受其殃故經書公伐尤魯

之無君也

宋人圍曹○冬鄭駟弘帥師救曹

八年○春王正月宋公入曹以曹伯陽歸

曹遂亡

吳伐我

邾人以魯難愬于吳吳為伐魯盟于城下而還故不  
稱鄙直也君子曰國自伐而後人伐之故書伐我

夏齊人取譚及闔公作○歸邾子益于邾

初齊五子之亂悼公奔魯季孫婁以妹即位來逆季  
魴侯通焉不敢以歸齊侯怒稱邾來討季孫乃賂齊

春秋正義卷之三十一  
以謹闡之地而歸邾子于邾

秋七月○冬十有二月癸亥杞伯過戈卒

齊人歸謹及闡

傳云齊侯逆季姬歸而遂嬖返魯謹闡君子曰非然也我歸邾子齊受賂無名是以求全貴于改圖也

九年○春王二月葬杞僖公

宋皇瑗帥師取鄭師于雍丘

鄭聶公嬖許瑕欲邑之取宋雍丘宋皇瑗敗鄭師盡俘以歸

夏楚人伐陳

陳即吳也

秋宋公伐鄭

報雍丘之役

冬十月

十年○春王二月邾子益來奔

邾子反國無道吳人執而囚之至是來奔已又奔齊益齊出也

公會吳伐齊

初齊悼公以邾故召吳伐魯及邾子歸季姬嬖而齊魯平吳人怒更以魯伐齊君子曰昔晉之得志于東

方也。魯爲之。今吳得志于中國。又魯爲之。齊魯唇齒也。納遠讐而樹近敵。則不智。棄親戚而長寇讐。則不仁。哀公幼昏。強臣專恣。春秋所以尤于魯之無君也。故書公。

三月戊戌齊侯陽生卒。

傳謂齊人殺陽生。以說于吳。嗟乎。陽生死已晚矣。子荼之立。父命也。而奪其國。旣得國矣。又使朱毛殺之。是弑君也。逐鬻奴殺胡姬。是弑諸母也。先君之愛子。與愛姬。屠戮殆盡。是甘心于其父也。鮑牧立已。人言一慙。廩之境。外是背德而攜大臣之心也。召吳人伐

魯。中道背之。還以自伐。是府國人之怨。而借以報吳之名耳。積惡滅身。豈曰不宜。然則何不書弑君。齊人以卒赴也。猶鄭髡頑。楚郊敖。疑則傳疑。聖人之慎重也。說者謂不忍以夷狄之民加中國之君。迂闊之言也。

夏宗人伐鄭

前未得志也

晉趙鞅帥師侵齊

乘齊難也

五月公至自伐齊

師于郎聞齊侯卒吳子哭諸軍門外而潛師由海入齊人敗之還

葬齊悼公

衛公孟彊自齊歸于衛

蒯聵之黨也

薛伯夷公作夷卒○秋葬薛惠公

冬楚公子結帥師伐陳○吳救陳

陳即吳也吳公子扎年九十餘帥師救陳少壯執節老耄伐國不亦可已乎楚書結吳不書扎為賢者諱也世儒謂仲尼與吳夫吳與楚構救陳豈為高誼

十有一年○春齊國書帥師伐我

報其以吳伐也君子曰齊未嘗負魯也邾子復則讎闡歸矣與魯盟則吳人辭矣魯何為又與吳伐之書伐我齊直也故亦不書鄙

夏陳轅公頗出奔鄆

陳轅頗為司徒賦田嫁公女而沒其餘國人逐之此可為董董不飭之戒

五月公會吳伐齊甲午齊國書帥師及吳戰于艾陵齊師敗績獲齊國書

吳自艾陵之役衡行中國魯階之厲也是役也伍員

春秋左傳卷十三  
十一  
欲圖越諫伐齊不聽吳子予之劍自殺不書殺大夫  
畧之也伍員傾險士皆宗國而噬其主如豺狼然其  
謀吳僚也如鬼蜮然屬鏹之賜天之假手不足惜耳  
秋七月辛酉滕子虞母卒○冬十有一月葬滕隱公  
衛世叔齊出奔宋

衛世叔齊妻宋朝之女也而齊有妾嬖衛亂宋朝出  
奔孔圉使齊出其妻妻以女齊私于前妾圉以女歸  
齊淫于外圉使人奪其軒獻于公齊奔宋君子曰夫  
婦人道之始春秋男女之際殆于禽獸比其敝也諸  
侯而喪國大夫而喪家詩所以首二南也故夫詩亡

春秋作

十有二年○春用田賦

魯稅畝不足作丘甲丘甲又不足用田賦傳不舉其  
數而數可知夫國猶家也中人家始造必儉事簡  
費省產不多而用有餘至子孫奢侈不經之費浸廣  
計產數倍于昔而以狼戾暴殄日憂不足自然之數  
也通乎此義者可以經國制用長保其富矣

夏五月甲辰孟子卒

昭公之夫人陳司敗所稱吳孟子也昭公不得其死  
二子廢夫人薨而仲尼弔之季氏不統不經無臣子



居喪禮故不書葬不稱夫人薨直也

公會吳于橐臯

尋鄆之盟是會也公不欲盟蓋畏齊而悔之顧無如

吳何使子貢辭免

秋公會衛侯宋皇瑗于鄆

云公作運

吳徵會于衛先是衛殺吳行人衛輒懼不敢往乞援

于魯宋而後行吳人果止輒魯使子貢說吳免之

宋向巢帥師伐鄭

初鄭取宋地築嵒戈錫三邑以居宋亡公子至是宋

伐取錫圍嵒鄭罕達帥師救之

冬十有二月螽

夏正十月也仲尼謂季孫曰火伏而後蟄者畢今火

猶西流司曆過也言司曆缺閏是夏正九月耳

十有三年○春鄭罕達帥師取宋師于嵒

岩

鄭罕達救嵒敗宋師盡俘之墟其六邑

夏許男成

公作卒

公會晉侯及吳子于黃池

是會也吳與晉爭長敵先吳說者謂書先晉夷吳非

也晉長于中國舊矣吳楚雖強不以遠聞近新聞舊

禮也夫敵血烏足以明禮春秋之有霸也聖人未嘗

過而問焉。霸之有會，會之有盟，盟之有敵，血敵血之。有先後，聖人尤未嘗過而問焉。豈以此差貴賤，定名實乎？

楚公子申帥師伐陳

乘吳有黃池之役也

於越入吳

夫差信句踐之成，拒子胥之諫，進與諸侯爭長于黃池。越人乘其虛入之，遂滅吳。易曰：天道虧盈，楚自能虔暴虐，乘疾淫昏。昭王之季，吳入郢，辱及廟墓。吳自柏舉得志，強梁衡行。越人一舉覆厥宗祀，履盈得禍。

若此其烈也。故春秋書入郢入吳先後一轍，吳亡而五霸盡矣。嗚呼！真萬世有國家者之龜鑑哉。

秋公至自會

是時三桓專魯，哀公幼昏，每書公尊君也。哀以前國有長君，每書臣誌專也。是故春秋有義無例。

晉魏曼多帥師侵衛

公魏下無曼字

討助荀范也

葬許元公。○九月螽。○冬十有一月有星孛，佩于東方。

○盜殺陳夏區

既公作區

陳大夫也，傳不詳其事。

十有二月螽

十有四年○春西狩獲麟

春秋以魯事終何也魯史也以魯事始故亦以魯事終終哀公何也魯至哀而公室小於三家不可以國矣春秋為五霸作五霸始隱至哀而齊微晉分吳亡五霸終矣上下十二公二百四十有二年天行窮于十二君取十二週矣年取二百四十再週矣以法天也其終于哀十四年春何也是時齊陳恆弑君夫子年已七十有一沐浴請討三家不可而公不能令慮陳恆之事將及魯而傷周公之後之不復振故懷既

絕筆終焉已矣其終于獲麟何也春秋感獲麟而作也昔者商紂之末麟趾兆而文王興今周衰麟至文王沒矣文不在茲乎王者不作二百餘年天下芒繁紛拏干戈相尋無寧日不祥之人與不祥之事生民以來未有者二百年間備矣子弑父臣弑君弟謀兄妻逆夫夷猶夏殺人父兄毀人宗廟僂人子女滅人國家人情之兇毒極矣天子降而事諸侯諸侯降而事大夫大夫降而事家臣支大于本尾豐于腰四分五裂世道之疢危極矣而又捐廉恥壞大防裂衣裳為毛羽貶人類為鳥獸倡優下賤羞為之事王公薦

紳冒昧嘗試而不恥與人善。易室而處與人不善。殺之而分其室。君淫臣婦于其家。卿大夫要寮友之妻于路。縱夫人宣淫于境外。率將士班處于人宮。甚者如衛子頑之妻其母。宋襄姬之通其孫。齊諸兒之淫女弟。楚熊比之奪子婦。名教掃地。秉彝凋喪。三五流風餘脉。蕩然無復。纖絲之維繫矣。嗟乎。天道沍寒。而啓陽和。長夜昏漫。而生朝曦。豈其鵠鷗晝鳴于灌莽。狐狸長嗥于通園。而無嘉祥之來復乎。或曰。七國之禍。慘于春秋。夫七國之禍。春秋之餘孽耳。有五霸。自有七王。濫觴于春秋。而滔天于七國。是故兵莫慘于

人心。莫邪爲下。邪說之害。甚于泮水。人心之惡。毒于猛獸。迨乎漢唐以後。春秋之教行。六經炳焉。同風迄于今。家誦戶說。雖田夫紅女。厮養下隸。莫不知仁義爲美。而名節凜然。寧以身膏蕭斧。蹈湯鑊。不敢輕以身爲蠻髦狗彘。學士大夫。彈冠振衣。立于天日。清朗之下。貴以身爲聖賢。敦詩書。悅禮樂。無復有輕視檢押。敗壞廉節。如春秋世者。則誰之功。人情貴耳賤目。耳聞三五。藐爲不可及。目覩清時。則薄爲叔季。顧漢唐以來。士林之清議。與英君哲后之崇獎。人懷姱節。揚芬來許。雖三五何以加焉。當其治世化行。無遜詩

書所稱比其亂也。名義相扶不至如春秋之腐敗。嗟夫。是誰之功。三五帝王不能使其後無春秋。而仲尼能使千萬世不復爲春秋。三五帝王不能以其道行于死後。而仲尼能使其道明于萬世。故曰生民以來未有夫子。春秋成而禎祥至。禎祥出而春秋終。大人者與天地合其德。非人之所能爲也。後世乃有續獲麟而再作者。愚以爲春秋不可再作矣。夫春秋非未就之緒也。寓其志則不必具其事。裁其義則不必舉其全。志苟明矣。義苟備矣。十二公足矣。今欲補少于定哀之後。亦宜增多于桓隱之前。畫蛇續貂。爲贅而已矣。春秋之義不言而信。無毀譽而直。今人爲一說。家持一端。可否同異。尚未通曉。而徒勦襲聖人之辭。學步效顰。爲訛而已矣。仲尼謂文勝則史。故春秋之辭尚體要。立經不立傳。國史在使人自考。而是非可知。今自爲綱。自爲目。吾說我志。心口相證。爲私而已矣。聖人持世。不過五百。西周以前有文武周公在。東周以後。自謂竊取。蓋澤過五世。遠不相及。春秋二百四十二年。以爲多矣。今欲盡取秦漢以來千餘年。是非包舉。獨任挾山超海。爲狂而已矣。春秋明王不作。而寓義斯文。良非得已。漢唐宋之興也。真主輩出。大

業無遜湯武謂一切無明王以比于五霸十二國之  
閏數玉石俱焚爲溷而已矣春秋起隱公下迄獲麟  
十二公世未遠也仲尼猶慮見聞失真斷自隱始而  
且闕其疑今悉憑簡策闖然直決千餘年以上事信  
爲得情捉風捕影爲誣而已矣春秋雖寓是非而寬  
厚微婉直而不倨正而有體後世妄起凡例褒貶黜  
陟恣口舌行胸臆不顧君父之醜曖昧之疑譙讓詆  
訶無異怒罵爲亂而已矣六經名教之規矩規矩一  
而方圓不可勝用非盡方圓之器爲規矩也今欲毛  
舉千百世亂臣賊子奸雄隱慝都爲一部蘇洵氏所

謂雷霆轟轟然日下求不孝子擊之爲藝而已矣若  
使春秋爲殘緒不可不續昔者孟軻雄辯願學孔子  
卽宜輟七篇而爲此漢唐以來非乏博雅寥然中斷  
者千五百年士縮手結舌待考亭氏出而後了此是  
俯牙絃絕子期再生爲藝而已矣夫抱聖人之道者  
不遇聖人之窮遭聖人之窮者不求聖人之志有聖  
人之志者無聖人之才有聖人之才者無聖人之識  
有聖人之才識者無聖人碩德重望卓然爲千萬世  
師不敢作春秋故夫揚雄太玄擬步法言擬論語上通續六  
經朱元晦綱目續春秋之數子者日月出而燭火然

為僭而已矣

春秋直解卷十三終

爲借而已矣

春秋直解卷十三終



